

## **\*Pravila UKV takmičenja „E7 Activity contest“**

### **\*Organizator takmičenja\***

Organizator takmičenja je Asocijacija radio amatera u Bosni i Hercegovini (ARAU BiH) a s ciljem propagiranja rada i povećanja aktivnosti na UKV frekventnim područjima.

### **\*Učesnici\***

Pravo učestvovanja u takmičenju imaju sve licencirane amaterske radio-stanice iz Bosne i Hercegovine i iz zemalja članica IARU-a.

### **\*Termin održavanja takmičenja\***

Termin svakog od 7 perioda je treća nedjelja u mjesecu i to počevši od aprila i zaključno sa oktobrom.

### **\*Vrijeme održavanja takmičenja\***

Od 0700 do 1200 UTC.

### **\*Frekvencije\***

Takmičenje se održava na 144 MHz, 432 MHz i 1296 MHz, sukladno band planu 1. regiona IARU-a.

### **\*Kategorije\***

- \* \*A \*- 144 MHz - /jedan operator, sve vrste rada/;
- \* \*B \*- 144 MHz - /više operatora, sve vrste rada/;
- \* \*C \*- 144 MHz - /jedan operator, sve vrste rada, mala snaga/ (do 100 W);
- \* \*D \*- 144 MHz - /više operatora, sve vrste rada, mala snaga/ (do 100 W);
- \* \*E \*- 144 MHz - /jedan operator, FM vrsta rada, samo 144 MHz/;
- \* \*F \*- 432 MHz - /jedan operator, sve vrste rada/;
- \* \*G \*- 432 MHz - /više operatora, sve vrste rada/;
- \* \*H \*- 1296 MHz - /jedan operator, sve vrste rada/;
- \* \*I \*- 1296 MHz - /više operatora, sve vrste rada/;
  
- \* \*GP-1-OP\* generalni plasman/jedan operator, sve vrste rada, kategorije A+C+E+F+H/, isključivo stanice iz Bosne i Hercegovine;
  
- \* \*GP-V-OP\* generalni plasman/više operatora, sve vrste rada, kategorije B+D+G+I/, isključivo stanice iz Bosne i Hercegovine

U generalni plasman ulaze isključivo stanice koje su radile najmanje 3 perioda tokom jedne kalendarske godine.

Klupske stanice mogu raditi isključivo u kategoriji više operatora.

Dopuštena je upotreba samo jednog pozivnog znaka na jednom opsegu, kao i odašiljanje samo jednoga signala na frekventnom opsegu (bez obzira na kategoriju).

### **\*Vrste rada\***

Dopuštene vrste rada su CW, SSB i FM prema postojećem band planu 1. regiona IARU-a.

Veze ostvarene refleksijom od Mjeseca (EME), meteoritskih tragova (MS), preko satelita, transpondera ili repetitora, kao i /cross-band/ veze se ne priznaju.

### **\*Izmjena podataka\***

Tokom takmičenja obavezna je izmjena /raporta/ po RST skali, rednoga broja veze (koji u svakom periodu počinje od 001 i uvećava se za 1 za svaku narednu vezu) i WW lokatora.

Na svakom bandu vode se posebni redni brojevi.

### **\*Bodovanje\***

Sve veze boduju se po principu 1 kilometar = 1 bod/poen na 144 MHz  
1 kilometar = 5 bodova/poena na 432 MHz i  
1 klometar = 10 bodova/poena na 1296 MHz.

Tokom takmičenja boduje se samo jedna veza s korespondentom na istom frekventnom području bez obzira na kategoriju i vrstu rada. Dvostruke (duple) veze moraju obavezno biti uvedene u dnevnik takmičenja i posebno označene, te obavezno bodovane s nula ( 0 ) bodova/poena.

### **\*Takmičarski dnevnic i zbrojni list\***

Takmičarski dnevnic i vode se u standardnom EDI obliku za svaki opseg posebno, sa zaglavljem koje treba sadržavati: ime i prezime takmičara (ili naziv radiokluba), pozivni znak, adresu stanice na koju glasi dozvola za rad, lokaciju stanice za vrijeme takmičenja, WW lokator, nadmorsku visinu, kategoriju u kojoj se takmičilo, popis operatora i pomagača, ODX pozivnu oznaku, ODX lokator, ODX QRB, tehničke podatke o korištenoj opremi, broj veza, zbroj ostvarenih bodova/poena, komentar takmičenja (nije obavezno), te svim potrebnim podacima veze: dan, vrijeme (po UTC-u), pozivni znak korespondenta, vrsta rada, predani /raport/ i redni broj veze, primljeni /raport/ i redni broj veze, WW lokator korespondenta, ostvareni QRB u km.

### **\*Dostavljanje takmičarskih dnevnika\***

Dnevnic i takmičenja za E7 Activity contest treba dostavljati na slijedeću adresu:

kancelarija@arabih.net

Rok za dostavljanje takmičarskih dnevnika je najkasnije 8 dana po održanom takmičenju (periodu).

### **\*Obrada dnevnika i objava rezultata\***

Za obradu dnevnika i izradu rezultata pojedinih perioda odgovoran je VHF Manager ARAuBiH s rokom objave privremenih rezultata na WEB stranici ARAuBiH od najduže 30 dana od isteka za dostavljanje takmičarskih dnevnika.

Konačni rezultati za kalendarsku godinu biti će objavljeni na WEB stranici ARAuBiH najkasnije do 01.decembra tekuće godine.

Oduzimanje bodova, diskvalifikacija i sve moguće sporne situacije rješavat će se sukladno Općim pravilima UKV takmičenja ARAuBiH, a rješavat će ih tročlana radna skupina koju će imenovati Upravni odbor ARAuBiH uz predsjedavanje E7 VHF Managera.

Svi učesnici imaju pravo pismene žalbe na rezultate VHF Manageru ARAuBiH u roku 8 dana od dana objavljivanja neslužbenih rezultata pojedinog perioda, isti je dužan žalbu razmotriti te na istu odgovoriti u roku od 8 dana po prijemu iste.

Učesnik koji ne bude zadovoljan odgovorom ima pravo ponovne žalbe u roku od 8 dana od prijema odgovora na prvu žalbu i to Upravnom odboru ARAuBiH koja će takve prigovore proslijediti tročlanoj radnoj skupini koja će donijeti odluku u roku od 8 dana a koja će biti i konačna a o učinjenom će izvijestiti Upravni odbor ARAuBiH.

### **\*Konačni rezultat\***

Konačni rezultat takmičenja dobije se zbrajanjem ostvarenih bodova/poena iz rađenih perioda E7 Activity contesta po kategorijama posebno a za kategoriju GP-1-OP i GP-V-OP zbrajanjem svih ostvarenih bodova/poena na svim frekventnim područjima zajedno.

U konačnom plasmanu takmičenja naći će se sve stanice koje su učestvovala u najmanje 3 (tri) perioda takmičenja.

Rezultati takmičenja bit će objavljeni na WEB stranici ARAuBiH, a tri prvoplasirana i pismenim putem.

### **\*Nagrade takmičarima\***

- \* Posebnom nagradom će biti nagrađene prvoplasirane stanice iz Bosne i Hercegovine u generalnom plasmanu u kategoriji ličnih i klupskih stanica,
- \* Diplomom će biti nagrađene tri prvoplasirane stanice iz Bosne i Hercegovine u svim kategorijama,
- \* Diplomom će biti nagrađene tri prvoplasirane stanice izvan Bosne i Hercegovine u svim kategorijama,
- \* Diplomom će biti nagrađena najbolje plasirana E7 - YL stanica na 145 MHz,
- \* Diplomom će biti nagrađeni najbolje plasirani mladi E7 operator, koji u kalendarskoj godini navršava najviše 18 godina a bio je učesnik E7 aktivitija koji je radio sa lične ili klupske stanice na 145 MHz (molimo sve klubove i pojedince da dostave podatke o ovakvim operatorima).

Nagrade će biti dodijeljene takmičarima koji budu ispoštovali pravilo o učestvovanju u E7 ACTIVITY contestu od najmanje 3 /tri/ puta i to svoje učešće dokažu slanjem takmičarskog dnevnika.

Za sve ostale detalje vrijede Opća pravila UKV takmičenja u organizaciji ARAuBiH.

### **E7 VHF MANAGER**

